



SAOPŠTENJE ZA JAVNOST

Određen pritvor za lice E.S. zbog osnovane sumnje u izvršenje krivičnih djela Nasilja u porodici i Nedoovoljenog držanja oružja

(Brčko, 16.05.2025. godine)

Na prijedlog Tužilaštva Brčko distrikta BiH, Osnovni sud Brčko distrikta BiH odredio je pritvor višestrukom povratniku u činjenju krivičnih djela licu E.S. (52)* iz Brčkog, zbog postojanja osnovane sumnje da je izvršio produženo krivično djelo - Nasilje u porodici - i krivično djelo - Nedoovoljeno držanje oružja ili eksplozivnih materija.

Osnovni sud Brčko distrikta BiH je odredio jednomjesečni pritvor licu E.S. (52)* iz Brčkog zbog postojanja osnovane bojazani da bi osumnjičeni boravkom na slobodi mogao ponoviti krivično djelo - Nasilja u porodici - odnosno da bi mogao počiniti krivično djelo - Ubistavo - kojim prijeti, a za navedena krivična djela se može izreći kazna zatvora tri godine ili teža kazna.

Naime, u periodu od 16. aprila 2025. do 12. maja 2025.godine osumnjičeni E.S. (52)* je nasiljem, drskim i bezobzirnim ponašanjem fizički i psihički maltretirao bivšu suprugu S.S. iz Brčkog, te više puta joj pred djecom upućivao prijetnje ugoržavanja njenog života i zdravlja, da bi dana 12. maja 2025.godine u ranim jutarnjim satima došao ispred stana bivše supruge i pokazujući joj pušku skrivenu u torbi prijetio da će istog dana ubiti i nju i sebe, nakon što isprate zajedničko dijete na eskurziju.

Prilikom dolaska službanika Policije Brčko distrikta BiH, a postupajući po anonimnoj telefonskoj prijavi, osumnjičeni E.S. (52)* je počeo bježati, te odbacio je crnu sportsku torbu na javnu površinu u kojoj je odmah po tom pronađena puška sa skraćenom cijevi i kundakom oznake „M48“, u čijem spremniku su se nalazila tri metka kalibra 7,9 mm. Vrijedi ukazati da su prilikom pretresanja stana u kojem osumnjičeni živi pronađeni papiri iz čijeg sadržaja proizilazi da je osumnjičeni zbog problema koje je imao sa bivšom suprugom, namjeravao njoj i sebi oduzeti život.

U daljem toku postupka, Tužilaštvo će nastaviti intenzivno poduzimati sve zakonom propisane istražne mjere i radnje u cilju utvrđivanja svih važnih činjenica za ovaj događaj i daljeg krivičnog procesuiranja odgovornog lica.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**ZAMJENIK
GLAVNOG TUŽIOCA
VLADIMIR TEPAVČEVIĆ**